



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 8. Vtrum visio beatifica, & quodvis ens supernaturale vniuersè
supra naturæ sit connexionem.

[urn:nbn:de:hbz:466:1-76990](#)

118 Secundò; ex Concilio Vieunensi non solum habemus, visionem beatam esse supernaturalem, vt enique, sed etiam intellectum creatum indigere lumine gloriae, aut alio dono supernaturali quoad substantiam, quo eleuetur ad videndum Deum, vt latius trademus intra disp. 19. Sed tale donum datur, & est requisitum ad efficiendam visionem beatam; hæcque proinde cum illo sua natura connexa est. Igitur visio beata supernaturalis est quoad substantiam. Quandoquidem ad actum quoad suam substantiam naturalem opus non est habitu infuso, aut alio dono intrinsecè supernaturali; neque actus substantia sua naturalis cum dono supernaturali potest esse connexus. Alioquin naturæ, cui debitus eset talis actus, eset & debitum tale donum. Quo illud & supernatural, vt ponimus, & debitum naturæ eset. Absurdum clarum.

119 Tertiò; actus fidei, spei, & charitatis, aliarumque virtutum, quibus vita æterna obicitur consistens potissimum in visione Dei intuituam, supernaturales sunt quoad substantiam, vt sentiunt se omnes Theologi, atque in proprijs materijs probant; vberrinèque comprobant Ripal. disp. 44. citata sec. 3. & seqq. Igitur visio ipsa potiori iure est afferenda supernaturalis quoad substantiam. Impossibile quippe est, & prouersus à ratione alienum, quod media superent vires, atque potestatem naturæ, & finis ipse vincere per talia media ab ipsa natura obtinendus intra eius vires, & potestatem positus sit. Et confirmari potest. Quia Concilia, & Patres, qui cum Pelagio, & eius Cineribus contenderunt, omnino impotem faciunt naturam suis proprijs viribus reliquam, absque auxilio diuinae gratiae ad quidpiam cogitandum, volendum, aut agendum, quod proficuum sit ad salutem. Probandit ex illo Ioann. 15. Sine me nihil potestis facere. Ex illo que Pauli 2. Corint. 3. Non sumus sufficientes cogitare aliiquid ex nobis, quasi ex nobis; sed sufficientia nostra ex Deo est. Et alijs similibus Scripturæ locis. Ut videre est in Concilio Mileuitano cap. 4. & 5. Africano can. 80. Araufic. 2. à can. 3. vique ad finem: Trident. sess. 6. cap. 5. & 6. & can. 2. 3. & 4. in epistolis decretalibus Cœlestini, Innocentij, & Leonis contra Pelagianos: in August. epist. 106. & 107. Serm. 13. de verbis Apost. libris de natura, & gratia; de correctione, & gratia; de prædestinatione sanctorum; de dono perseverantie; multisque alijs locis: in Prosp. lib. contra Collatorem, præsertim cap. 3. 19. & 28. in Fulgentio de Incarnat. & grat. cap. 6. in Bernar. lib. de liber. arb. & in alijs Patribus. Quis autem non videat, hæc duo inter se repugnare. Quod sit tota natura creata impotens ad concipiendam proprijs viribus vel minimam salutarem cognitionem: & quod sit potens ad concipiendam visionem intuituam Dei, in qua consummata salus consiliter? Quod si undequaque, & absolute ad illam proprijs viribus concipiendam natura vniuerſa impotens est; nequit non talis visio absolute, atque adeo quoad suam substantiam suam, præ totam naturam esse, seu supernaturalis.

QVÆSTIO VIII.

Virum visio beatifica, & quodvis ens supernaturale uniuersè supra naturæ fit connexionem.

120 Est dicerè, an intellectus creatus, vel aliud quid ad naturam pertinens cum visione beatifica, vel cum alio quopiam ente supernaturali connectatur. Non dico, ad illud referatur transcendentaliter: nam relatio intrinsecā, quam transcendentalem, sive transcendentem appellant, perperam cum connexione confunditur; quandoquidem latius patet, quam illa, vt sepe alibi notavi. Connectit enim cum alio, quod sine illo esse non potest: ad aliud vero intrinsecā circa connexionem refertur, quod existens, aut potens existere sine illo ad illud se habet nihilominus ex conceptu suo, vt negatio ad rem, quam negat, cognition falsa ad obiectum, quod representat, &c. Igitur, cum certum sit, naturam per relationem intrinsecam, sive transcendentem non connexionis posse ad ens supernaturale referri, vt in cognitione naturali tantum probabili de ente supernaturali cernere licet; de sola relatione connexionis superest controversia agitanda. Connexion autem, vt in Pharo Scient. disp. 14. & alijs etiam sepe notauit, alia est metaphysica, seu essentialis; alia physica, seu naturalis; alia moralis. Metaphysica, quæ sine contradictione. Physica, quæ circa miraculum. Moralis, quæ, vt res communiter eueniunt, dissolui non potest.

Porro naturam cum ente supernaturali 121 prout existente non connecti aut metaphysice, aut physicæ nec posse, certo certius est: tum quia satis, superque exploratum est, posse naturam tam naturali, quam metaphysicā, seu absoluta potentia absque omni dono supernaturali constiſtare: tum maximè quia connexion aut physica, aut metaphysica naturæ cum alio quopiam huius supernaturalitatem prouersus euerit: cum nequeat non esse naturæ debitum aut naturali, aut essentiali iure, & consequenter non supernaturali id, cum quo natura aut naturali, aut essentiali connexione connexa est. Repugnat igitur in terminis, naturam cum ente supernaturali prout existente connecti physicæ, aut metaphysicæ. De connexione morali fundata in ipsa natura etiam est certum, esse impossibile respectu entis supernaturalis prout existentis: quia, si ex parte naturæ esset aliiquid moraliter necessitanus Deum atque adeo obligans ad producendum ens supernaturale, non esset hoc supra omne naturæ debitum, atque adeo neque supernaturale contrapropositionem. Cum quo stat, Deum aliunde, quam à naturæ meritis, moraliter posse esse necessitatum ad donum aliquod supernaturale largiendum iuxta doctrinam, quam trademus in tract. de voluntate. Quo calu natura veluti conexa ab extrinsecō erit moraliter cum tali dono; quatenus moraliter erit impossibile, ipsam manere sine illo.

Eò igitur tota præsentis questionis difficultas reducitur, an circa supernaturalitatis dispendium possit accidere, aut etiam accidat de facto, quod natura cum ente supernaturali ut possit.

bili connexa sit, e.g. intellectus creatus cum visione beatifica sibi possibili; idque connexione metaphysica. (Nam physica solim, aut moralis circa possibiliterum rerum locum non habet, ut suo loco declaramus). Quia in re P. Ripal. disp. 32. de Ente supern. multis conatur adstruere sententiam negativam; cui bona pars sua Theologiz circa entia supernaturalia submittitur: fatetur tamen, paucos te inuenire assertores eiusdem sententia; licet pro illa citer Nauaret. cont. 33. in q. 12. 1. p. art. 1. § 4. & cont. 32. in q. 23. art. 5. § 3. Petr. Hurt. disp. 8. Physic. sec. 9. Nazarum 3. p. q. 13. art. 2. contr. 4. §. Sit ergo, & conl. 6. Herice in manuscriptis de Sacram. Soar. ton. 1. in 3. p. disp. 31. sec. 6. §. Quare id probatur. & §. Neque rationes dubitandi. Qui tamen parum illi faciet. Pro opposita tamen, & affirmativa sententiā stant communiter, quotquot in causis creatis connexionem cum possibilitate effectuum agnoscunt: eodem quippe modo sentiunt, siue tales effectus sint naturales, siue sint supernaturales. Specialiter vero tenent illam Agid. Lusit. lib. 10. de Beat. q. 3. art. 2. § 3. Cabrera 3. p. q. 1. art. 1. disp. 6. n. 18. Machin. 1. p. disp. 16. sec. 3. Falol. 1. p. q. 12. art. 1. dub. 6. Vazq. 1. p. disp. 176. n. 26. Alarc. tract. 1. disp. 1. cap. 1. n. 13. Herice 1. p. disp. 36. n. 81. & alij. Ego neutrī harum sententiarum plenē consentio.

Propositio 1.

Connexio naturae cum possibilitate alicuius entis, huius supernaturalitati non obstat, e.g. connexione intellectus nostri cum possibilitate visionis beatifica.

Hæc propositio est contra Ripaldam, & suos; pro ea tamen sent Doctores relati pro secunda sententiā. Probatur primò à priori. Quia, ut aliquid sit supernaturale, sat est, quod existentia eius supra omne debitum, atque compositionem naturae sit. Sed talis esse potest existentia entis, cum cuius possibilitate natura connectitur. Igitur connexionem naturae cum entis possibilitate non obstat supernaturalitati eius. Consequientia est bona. Maior est ipsa definitio entis supernaturalis ab omnibus re ipsa admissa, & satis à nobis habilita supra q. 3. Probo ergo minorem, quæ sola eget probatione. Quia, si-
cūt benè stat, naturam cum possibilitate entis esse connexionem, & non cum existentiā eius; ita quoque stat benè, existentiam entis omnino esse naturae indebitam, atque adeò supernaturalem; quamvis possiblitas eius ipsi naturae debita sit titulus connexionis. Confirmatur primò; quia, quod possiblitas entis terminet connexionem naturae, non tollit, esse illud tantæ excellentiæ, ut in sua existentiā ipsi naturae per excessum sit improprietatum. Ergo, quod possiblitas entis terminet connexionem naturae, non tollit, esse illud quod existentiam supra naturam, atque adeò supernaturale. Confirmatur secundò; quia, quod natura connectatur cum possibilitate doni, non impedit, quominus omnino gratis, & liberaliter possit illud conferri à Deo ipsi naturae. Ergo neque impedit, quominus illud eam supernaturalitatem possit habere, quam Concilia, & Patres exposcent in donis supernaturalibus, quamque nos ab ipsis didicimus. Confirmatur tertio; quia siue natura ponatur connexiona cum dono aliquo ut possibili, siue secus,

sempre manere potest verum, habere illam virtutem, potentiamve inchoatam ad absolute recipiendum, vel producendum tale donum. Igitur, siue natura ponatur connexiona cum dono aliquo ut possibili, siue secus, impertinens est ad hoc, ut tale donum quoad existentiam supernaturale afferatur, aut non afferatur.

Confirmatur quartò, sitque secunda probatio, nec parum efficax nostræ propositionis. Connexione naturae cum possibilitate entis non tollit, quominus illud esse possit supernaturale quod modum, ut saxe supponit ipse Ripalda ponens ubique naturam connexionem cum possibilitate, entis intrinsecè, & quod substantiam naturae. Ergo connexionem naturae cum possibilitate, entis non tollit, quominus illud possit esse supernaturale quoad substantiam. Probo consequentiam. Quia, sicut esse naturam connexionem cum possibilitate penetrationis duorum corporum, non tollit, talen penetrationem esse naturae indebitam; ita esse naturam connexionem cum possibilitate visionis beatifica non tollit, esse etiam naturae indebitam talem visionem. Quod enim indebitum penetrationis in accidentalis concursu duorum corporum ad idem spatium fundatur; indebitum vero visionis in eius essentiâ specificâ, prout explicuimus q. 2. & 5. nihil omnino interest ad rem.

Tertiò probatur propositio. Quia connexionis essentialis naturae cum possibilitate alicuius entis non facit, esse illud quod existentiam naturae debitem; atque adeò nec naturale. Ergo bene cum tali connexione componi potest, quod sit tale, ens supernaturale. Consequientia est bona. Probo antecedens. Quia si huiusmodi connexionem cum possibilitate alicuius entis, siue ordo ad illam transcendens, ut appellat Ripalda, argueret necessariò in natura exigentiam, seu debitum existentiae eius, vel potius ipsa exigentia naturae intrinseca (uti ipse Ripalda loquitur supra sec. 3. n. 12.) non esset aliud, quam dicta connexionem, siue ordo intrinsecus, ac transcendens naturae in suam perfectionem, nihil profectio secundum possibiliterum terminaret connexionem naturae, cuius existentiam ipsa natura tanquam sibi debitam non exigeret. Quo fieret, ut quisca causa naturalis simul, & pro omni occasione, ac tempore tanquam sibi debitam exigeret totam collectionem eorum effectuum possibilium, cum quorum possibiliterum simul, & pro omni occasione, ac tempore connexiona est. Quod tamen est absurdum. Cum constet, nullam causam naturalem exigeret tanquam sibi debitos simul, & pro quo-uis instanti omnes effectus sibi possibles; cum quorum tamen possibiliterum simul, & in quouis instanti est essentialiter connexiona, iuxta sententiam, in qua Ripalda procedit. Quod si semel connexionem cum possibilitate alicuius entis ablique existentiā, & debito existentiā eius in natura concipi potest. Conficitur sane, hos duos conceptus inseparabiles non esse; atque ita bene fieri posse, ut natura cum possibilitate alicuius entis connexiona sit, cuius existentiam nullatenus tanquam sibi debitam exigit; quodque proinde tanquam superans omnem exigentiam naturae simpliciter supernaturale est.

Caterium contra statutam doctrinam ea, quæ pro sua stabilienda adducit Ripal. opponi postulant. Argumentatur primò ex Conciliis, & Patribus afferentibus, naturam ex se, & sine gratia extrinsecus sibi adueniente impotem esse ad eff.

efficienda opera supernaturalia; quasi hoc ipso, quod Patres, & Concilia negant, posse naturam sine gratia quidquam supernaturale operari, negent consequenter naturae connexionem intrinsecam, cum possibiliitate talium donorum. Sed consequentia nulla est: nec Patrum, & Conciliorum dogmata his metaphysicis subtilitatibus subinxia sunt. Vide id aperie in tua, & omnium sententiâ. Supposita possibiliter effectus, eodem prorsus modo tribuitur causa denominatio potentis illum absolute causare, sive illa connexa, sive non connexa ponatur cum ipsa possibiliitate; ut in Deo cerneret licet; qui supposita creaturarum possibiliter, ex quæ ab omnibus assertor potens absolute illas producere, tam ijs, qui inconnexam, quam, qui connexam cum tali possibiliitate ponunt diuinam omnipotentiam. Igitur, supposita possibiliter effectus, ut causa dicatur absolute potens, aut impotens cum causare, impertinens est, quod cum eius possibiliate connexa sit, aut non connexa. Igitur, dum Concilia, & Patres affirman, causam naturalem impotem esse sine gratia ad supernaturales effectus, ne leuiter quidem insinuant, eam cum possibiliitate talium effectuum connexam non esse. Id enim ipsum, & cum eadem veritate affirmarent, et si connexam esse planè sentirent, & supponerent. Quia solidi intenti, causam naturalem ex se, & suâ naturâ speciatam omnino esse destitutam potentia factuâ proximè dictorum effectuum: quia, neque per solam suam entitatem preciè proximè posunt illos causare; neque complementum, quo poterunt, illis, iure naturæ est debitum, sed aliunde favore Dei gratis est prouenturum. In quo supernaturales effectus à naturalibus differunt, quos causa naturalis absoluta dicitur posse: quia, licet etiam ad eos causandos aliquo complemento supra suam entitatem indigat, hoc veluti ad manu habet in penu suo, & potestate, cum illi iure naturæ debitum sit; & id vnumquodque dicitur absolutè posse, quod vel per se, vel per aliquid possum in suâ potestate potest.

127 Deinde à ratione arguit Ripalda primò sic. Reiecto prædicto ordine trancendentia naturæ, facile explicantur plura, quæ alias difficultia sunt explicata de donis supernaturalibus. Ergo reiciendus. Nego antecedens. Imo implicantur: dum dogmata alias certissima circa supernaturalia dona dubia opinioni de inconnessione naturæ cum eorum possibiliitate alligantur. Itaque independenter ab hac naturæ inconnessione, vel connexione sunt explicanda, ut explicitur.

128 Secundò arguit. Si naturæ competeteret compèxio cum possibiliitate actus charitatis, vel fidei, vel visionis beatifica, deberent ei principia ad eos actus efficiendos. Quo prorsus eorum supernaturalitas interiret. Ergo. Antecedens probat. Nam propterea ad actus naturales sunt naturæ debita comprincipia, & concursus Dei; quia transcendentia connexione cum eorum possibiliitate connexa est. Nego antecedens, & probationem. Quia, vt sint naturæ debita comprincipia, & concursus Dei generalis ad actus naturales, impertinens est, quod sit, aut non sit illa, cum talium actuum possibiliitate connexa, ut alias in simili dixi q. 2. & iterum paulò inferius attingam.

129 Tertiis ratio adducta pro se à Ripalda n. 16, à nobis est pro sequente propositione. Nec probat solum, causam naturalem non connecti cum possibiliitate effectuum supernaturalium, quod ip-

se Ripalda prætendit, sed etiam naturalium, quod ipse negat, & nos suo loco monstramus. Ratio autem quarta adducta ab eodem n. 19. tam parui momenti ad rem videtur, vt in eâ refutanda non expedit morari. Absurda item, quæ congerit n. 20. quod meam doctrinam minimè tangunt, libens omittimus.

130 Vrgentius forsan contra nostram propositionem potest sic argui. Posito, quod intellectus creatus cum visione beatâ ut possibili connectatur, non potest non illa ut possibilis ipsi intellectui esse debita debito quodam essentiali. Igitur visio beatâ in quantum possibilis nequit non esse naturalis, ut pote debita naturæ. Sed possibilis visionis prædicatum eius est essentialiale. Ergo visio ex prædicto essentiali, atque adeò absolute, & simpliciter erit ens naturale. Rursus possibilis visionis, ut existentia eius distincta reverâ non est. Ergo, si visio ut possibilis est ens naturale, ut existens etiam, atque adeò omnino erit. Ergo posta in naturâ connexione cum entibus supernaturalibus ut possilibus, confessim eorum supernaturalitas pessum it. Igitur talis naturæ connexioni cum supernaturalitate rerum nullatenus est compatibilis.

Respondeo tamen, quidquid sit de conceptu possibilitatis, & existentia, aut etiam essentia visionis beatissimæ, de quo satis in uniuersum est dictum in Pharo Scient. disp. ro. id impresentiarum supponi apud omnes ut certum, naturam ex prædicto essentiali posse connecti cum possibiliitate visionis; quia cum existentia eius connexa sit; atque ita possibiliter visionis posse naturæ titulo talis connexionis debitam esse; quin ipsi vlo titulo sit debita existentia visionis. Hoc ergo supposito, de cuius certâ veritate modo propositio mea non curat, dico, inde non sequi, visionem esse ens naturale vlo modo, sed prorsus supernatural. Nam, ut ex definitionibus receptis ab omnibus constat, ens naturale id solum dicitur, cuius existentia naturæ debita est: supernatural autem, cuius existentia indebita est toti naturæ; ut pote, quia ex conceptu suo essentiali improportionatum est toti naturæ improportione per excessum, quod fieri optimè potest, ut num. 123. dicebamus, quantumuis tale ens prout possibile terminet connexionem naturæ; ipsique subindebet tale debito quodam essentiali debitum fit. Benè enim intelligitur, esse naturæ aliquo modo proportionatam, & debitam possibiliter entis, cuius existentia omnino improportionata, & indebita illi est; sicut in moralibus homini plebeio, & rudi proportionata est, & debita metaphysica possibilis Principatus Ecclesiæ eo ipso, quod homo est; ast ipse principatus ut existens improportionatus, & indebitus.

Et quidem, sive natura ponatur connexa, sive non connexa cum possibiliitate actuum supernaturalium, illud posse inchoatum, quod ex se ad illos habere dicitur, quodque essentialiter fert secum ipsam supernaturalium actuam possibilitatem vel tanquam terminum connexionis naturæ, vel tanquam vnum ex fundamentis denominatiois potentis, naturale est, atque adeò naturæ debitum, iuxta communem sententiam Patrum. Ait enim August. lib. de Præd. Sacerdotum cap. 5. Proinde posse babere fidem, sicut posse babere charitatem naturæ est hominum: babere autem fidem, quemadmodum & babere charitatem gratia est fidelium. Et Prosp. lib. 2. de vocatione gentium cap. 8. aliud inquit, est posse babere charitatem, aliud babere cha-

charitatem; aliud esse capacem continentie, aliud esse continentem. Non itaque omnis reparabilis reparatur; quia reparabilem esse de natura est, reparatum autem esse de gratia est. Quo fere pacto loquuntur etiam Fulgen. de Incarn. & grat. cap. 22. & seqq. Clem. Alex. lib. 6. Stromatum paulo post medium. Greg Nyssen. orat. cathechet. cap. 5. Damasc. lib. de duabus Christi voluntatibus inter principium, & medium. Cyrill. Alexand. aduersus Antropomorphitas cap. 1. & 10. Bern. de grat. & lib. arb. sub initium, & alij. Igitur ex sententia Patrum, possibilis actum supernaturalum, sine qua illud posse, quod natura attribuunt, in nulla sententia, ut dicens, constare potest, (quia nequit dici absolute, ut dicunt Patres, natura posse id, quod supponitur impossibile), quadamtempore in omnisentientia vocari potest naturalis, quatenus terminat, aut compleat posse naturale natura, quantumvis sit supernaturalis eorumdem actuum existentia, ut confitentur ipsi Patres. Sicut igitur, connectionem natura cum possibilitate entium supernaturalium eorum supernaturalitati nihil obstat.

Propositio. 2.

Arbitror nihilominus, naturam cum, ente supernaturali ut possibili connexam, non esse; puta intellectum creatum cum visione beatifica: non quod id conceptus supernaturalitatis exposcat; sed, quod nulla causa, ut opinor, cum possibilitate suorum effectuum etiam naturalium connectitur; & vniuersim nulla entitas cum possibilitate, alterius titulo praeceps potenteris quoquo modo se habere ad illam.

Quod quidem probatum suo loco suppono: modò enim immorari non expedit in hac assertione vniuersali, & metaphysica comprobanda. Videatur interim probata apud Recentiores Philosophos, & apud Ripal. supra num. 16. Ratio enim, quam ibi ad suum propositum adserit, integrum nostram propositionem probat, ut supra notabam. Potissimum autem argumenta, que contra illam fieri possunt, à n. 25. proponit, & diluit ipse Ripalda.

Vnum modò contra eum ex hac propositione colligo, quod iam in simili notandi q. 2. Ut effectus aliquis natura sit debitus, eoque iure naturalis, sive, ut comprincipia, & concursus Dei ad talen effectum natura debita sint, neutiquam requiri, quod natura cum possibilitate talis effectus sit connexa: nam huiusmodi naturalia debita non in ita connexione, sed in virtute causarum, quan, tali connexione seclusa, supponimus manere, fundantur. Posito enim, ut nostra propositio, & omnes Auctores eius, imo & ipse Ripalda supponunt, quod ignis non connexus cum possibilitate caloris apprehendi possit nihilominus cum virtute ad illum producendum, atque adeò etiam absolute potens illum producere, supposito, quod ille absolute possibilis est, (qua ratione Deus circa omnem connexionem cum creaturis concipitur absolute potens illas producere, earum possibiliitate supposita), non est, cur nequeat itidem, eà connexione seclusa, apprehendi cum exigentia, & iure naturali ad eiusmodi productionem, atque adeò etiam ad comprincipia,

& concursum Dei requisita. Quia causa habens virtutem, & potentiam ad producendum effectum sibi proportionatum, qualis est semper calor respectu ignis, confessum habet ius naturale ad productionem eius, eamque subinde tangquam sibi eius possibilitate.

Ex quibus omnibus concluditur, tam ad supernaturalem, quam ad naturalitatem entium impertinens esse, quod natura cum eorum possibilitate connexa, aut inconnexa ponatur; tametsi de facto verius sit, eam, quod ad potentiam attinet, à possibilitate actuum tam naturalium, quam supernaturalium intrinsecè, & entitativè, absolutam esse, prout in proprio loco monstratur.

Q V A E S T I O I X.

Viram viso beatifica, & reliqua entia supernaturalia, uniuersim supra appetitum innatum natura sint.

Appetitus innatus metaphoricè dicitur per analogiam ad elicitem, qui facultatis appetentis operatio est. Quemadmodum enim, quæcumque facultate appetendi, seu potentia appetitiva, possunt, per actum à tali potentia elicium apparet, quæ sibi conueniunt, in illaque per eundem actum quodammodo propendunt, atque feruntur. Ita à simili catena cuncta suæ naturæ, sive nativæ inclinatione in bona sibi conuenientia ferri, ipsaque appetere dicuntur, vi aqua frigus, ignis calorem, grauia descendere, deorsum, levia sursum ascendere, &c. prout eleganter explicat August. lib. 11. de Ciuit. cap. 27. & 28.

Igitur intellectum creatum appetere appetitu innato visionem beatificam, atque adeò naturalia supernaturalia dona, prima sententia affirmat, quam tenent Scot. in prolog. q. 1. s. Ad questionem, & in 4. dist. 49. q. 10. art. 1. quem sequuntur Scotisti communiter ad ea loca, Tartaretus, Antonius Andreas, Philippus Faber, Herrera, Rada, Sosa, & alij: necnon Valen. tom. 2. disp. 1. q. 5. pun. 1. Didacus Ruiz tom. de Volun. disp. 1. sec. 2. num. 7. & alij. Secunda sententia extreme opposita negat, quam tuentur Mol. 1. p. q. 12. art. 1. disp. 2. concl. 2. Vazq. ibidem in expositione articuli, & 1. 2. disp. 2. cap. 2. num. 10. Soar. disp. 43. Metaph. sec. 4. num. 10. & lib. 2. de Attrib. cap. 8. num. 4. & 1. 2. disp. 16. sec. 2. Arrub. 1. p. disp. 14. cap. 2. Fafol. 1. p. q. 12. art. 1. dubit. 1. Raynaud. in sua morali Disciplinâ dist. 1. num. 272. Antonius Perez in Laurea, Salmant. certam, 5. scholast. dub. 1. Arriag. 1. p. disp. 6. sec. 4. Gonzalez 1. p. disp. 24. num. 20. Ripa dub. 1. Nazar. courr. 1. & communiter Thomista cum alijs, quos refert Ripal. disp. 9. de Ente supern. sec. 2. Tertia sententia est, naturam non habere appetitum innatum ad supernaturalia, qui sit naturalis; habere tamen, qui sit obedientialis, seu supernaturalis. Ita Herice 1. p. disp. 37. cap. 2. Gran. 1. 2. cont. 1. tract. 3. disp. 5. num. 4. Denique, R.